



## **REGOLAMENT PE ISTITUZION E PE GJESTION DAL SERVIZI DI VOLONTARIÂT**

*Fat bon cun delibarzion dal Consei di Aministrazion n. 54 dai 9/10/2019.  
Modificât cun deliberazion dal Consei di Aministrazion n. 48 dai 25/11/2020 e cun  
deliberazion dal Consei di Aministrazion n. 55 dai 13 di Dicembar dal 2021.*

## **Regolament pe istitution e pe gestion dal servizi di volontariât**

- Art. 1 ogjet
- Art. 2 finalitâts
- Art. 3 ativitât di volontariât
- Art. 4 istitution e gestion dal registri dai volontaris
- Art. 5 recuisîts dai volontaris
- Art. 6 modalitâts di presentazion de domande di iscrizion al registri
- Art. 7 modalitâts di davuelziment des ativitâts e oblics dai volontaris
- Art. 8 oblics de aministrazion
- Art. 9 mieçs e struments
- Art. 10 normis transitoriois e finâls
- Art. 11 jentrade in vore

### **ART. 1 - OGJET**

1. Chest regolament al dissipline lis modalitâts di acès e di partecipazion in forme volontarie di citadins singui in ativitâts operativis di promozion de lenghe furlane, che la ARLeF e à intenzion di favorî.
2. La ativitât di volontariât e je libare, personâl, spontanie, gratuite, cence fins di vuadagn, fate dome par fins di solidarietât, e duncje ogni persone e pues, in plene autonomie, tacâ a fâ ativitât di volontariât a pro de comunitàt e dal ben comun, metint a disposizion il so temp e lis sôs capacitâts par dâ rispuestis ai bisugns des personis e des comunitàts beneficiariis de sô azion.
3. Lis ativitâts di volontariât dissiplinadis di chest regolament no sostituissin lis struturis o i servizis di competence de ARLeF o lis funzioni propriis dal personâl dipendent de ARLeF. Chestis ativitâts, ancje se continuativis, a àn caratar di ocasionalitât, stant che i volontaris no son vincolâts di nissun oblic di prestazion lavorative cu la ARLeF.
4. La ativitât di volontariât no à lis carateristichis dal rapuart di lavor subordenât aes dipendencis de ARLeF, e no si pues nancje considerâ tant che titul par acedi a posizioni di implei public di cualsisei tipologje.

### **ART. 2 - FINALITÂTS**

1. Cun chest regolament la ARLeF e ponte a dôs finalitâts:
  - a. promovi la lenghe furlane;
  - b. integrâ, miorâ e cualificâ i siei servizis ai citadins par mieç dal jutori dai volontaris.

### **ART. 3 - ATIVITÂT DI VOLONTARIÂT**

1. La ativitât di volontariât e pues rivuardâ ativitâts che no sedin riservadis al personâl de ARLeF in maniere esplicite daûr di leçs o di regolaments.
2. La ativitât di volontariât e je finalizade ae promozion e ae valorizazion de lenghe e de culture furlane e si davuelzarà in chescj setôrs:
  - a) Partecipazion a manifestazions  
Acet dai visitadôrs, distribuzion di materiâi, informazion al public e supuart logistic in occasion des variis manifestazions dulà che la ARLeF e partecipe par promovi, sorelut tra i zovins, la lenghe furlane;
  - b) Supuart organizatîf  
Supuart organizatîf, ancje intai ufcis de ARLeF, pe realizazion di ativitâts di promozion linguistiche.
3. Lis ativitâts dal come precedent a son citadis dome a titul esemplificatîf e no esaustîf. E je la possibilitât di slargjâ la ativitât a areis no indicadis in riferiment a esigjencis gnovis eventuâls, cence che chest al compuarti la necessitat di aprovâ une modificazion specifiche a chest Regolament.
4. Lis ativitâts dai volontaris no puedin jessi retribuidis in nissune maniere, ni de ARLeF e nancje di eventuâi singui beneficiariis des ativitâts stessis.
5. In câs di davuelziment des ativitâts indicadis al come 2, letare a), al è ricognossût dome il rimbors di spese chilometric daûr des modalitâts stabilidis pal personâl regionâl.
6. In câs di davuelziment des ativitâts indicadis al come 2, letare b) inte sede de ARLeF, al è ricognossût dome il rimbors pes spesis di viaç de proprie dimore ae sede de ARLeF, se lontans plui di 10 km, paiant il cost dal biliet o dal abonament ai mieçs di linie o, se doprâ i mieçs di linie al è inconciliabil cu la ativitât di volontariât, la indenitat chilometriche stabilide in maniere trimestrâl de Region Autonome Friûl - Vignesie Julie pes missions fatis dai dipendents regionâi, dopo che il volontari al vedi trasmetût ae ARLeF i

documents justificatifs idonis, e ancie un prospet riepilogatif di pueste relatif al detai dai viaçs efetuâts e, in ogni câs, fin a un impuart massim di 200,00 euros al mês.

#### **ART. 4 - ISTITUZION E GJESTION DAL REGJISTRI DAI VOLONTARIS**

1. Li de ARLeF al è istitût il regjistri dai volontaris dulà che a son iscrits ducj i citadins che a vuelin prestâ la lôr opare di volontariât gratuite pes ativitâts indicadis tal articul 3, che a vedin presentât domande specifiche daûr di ce che al è previodût di chest Regolament e che a vegnин considerâts idonis, dopo de valutazion dal Diretôr de ARLeF.
2. Il regjistri dai volontaris al à di vê chestis informazions:
  - a. gjeneralitâts completis dal volontari;
  - b. opzioni sielzudis dal volontari al at de domande di iscrizion inte liste in cont des ativitâts che par chê il volontari al vûl colaborâ cu la ARLeF e la disponibilitât in tiermins di temp di dedicâ a chestis ativitâts;
  - c. cognossincis tecnicis e praticis specificis in possès dal volontari, esperiencis madressudis o, in câs, titui professionâi impuantants pai fins dal inserment inte liste.

#### **ART. 5 - RECUSÎTS DAI VOLONTARIS**

1. Lis personis che a vuelin notâsi intal regjistri indicât tal articul 4 di chest regolament e che a vuelin fâ ativitât di volontariât a pro de ARLeF, a àn di vê chescj recusîts:
  - a. idoneitât psicofisiche al davuelziment de ativitât previodude. Se necessari, la idoneitât e sarà aciertade de ARLeF, cun spesis propriis, cun domande di visite mediche de bande dal propri Miedi competent;
  - b. residence inte Region Friûl - Vignesie Julie, gjavant i câs che la ativitât di volontariât no sedi fate in presince;
  - c. pai citadins extracomunitaris, permès di permanence regolâr valit;
  - d. etât maiôr;
  - e. no vê vût condanis, cun sentence passade in judicât, par delits cuintri de aministratzion pubbliche, il patrimoni, l'ordin public, pai reâts indicâts tai articui 600, 600 bis, 600 ter, 600 quater, 600 quater 1 dal codiç penâl, e ancie pai delits cuintri la libertât personâl.
2. Pe sielte dai candidâts no je ametude nissune discriminazion par ce che al tocje il ses, la raze, la religjon e lis ideis politichis dal candidât volontari.

#### **ART. 6 - MODALITÂTS DI PRESENTAZION DE DOMANDE DI ISCRIZION AL REGJISTRI**

1. Il volontari che al vûl partecipâ in maniere ative a ativitâts pe ARLeF, al à di iscrivisi intal regjistri indicât tal articul 4 di chest regolament.
2. Al à di inviâ la domande di iscrizion compilant il modul di pueste che si pues ciatâ sul sít web istituzionâl de ARLeF.
3. Inte domande di iscrizion si à di indicâ:
  - a. lis gjeneralitâts completis dal volontari e la sô residence;
  - b. lis opzioni sielzudis al at de domande di iscrizion in cont des ativitâts che par chê il volontari al vûl colaborâ cu la istituzion pubbliche interessade e la disponibilitât in tiermins di temp;
  - c. la acetazion cence cundizions di chest regolament.
4. Lis personis, al moment de domande di iscrizion, a podaran comunicâ la lôr disponibilitât par dutis lis ativitâts indicadis tal articul 3 di chest regolament o dome par une di chestis.
5. Si pues presentâ la domande in cualsisei moment dal an.

#### **ART. 7 - MODALITÂTS DI DAVUELZIMENT DES ATIVITÂTS E OBLICS DAI VOLONTARIS**

1. I volontaris che a partecipin aes variis iniziativis a son coodenâts e supuartâts inte esecuzion des ativitâts dal personal de ARLeF cence che chest al compuarti subordenazion jerarchiche o dissiplinâr.
2. I volontaris si impegnin a operâ intal plen rispiet des personis e des robis che cun chê a vegnин in contat par vie de lôr ativitât. A àn l'oblic di riservatece su lis notiziis e sui fats che a vegnин a cognossince dilunc dal servizi. Il volontari si impegne a rispietâ, se compatibii cul rûl e cu la ativitât davuelzude, i oblics di condote previodûts dal Codiç di Compuartament dai dipendents de ARLeF fat bon cun deliberazion dal Consei di Aministratzion de ARLeF n. 19 dai 20 di Març dal 2014 ("Codiç di Compuartament dai dipendents de Region Friûl - Vignesie Julie", fat bon cun Decret dal President de Region dai 13 di Zenâr dal 2014, n. 3/Pres.).
3. Il volontari che nol pues presentâsi in servizi al à di visâ de sô assence la ARLeF par temp. Al è ancie obleât a informâ la ARLeF di temps eventuâi di assence o de pierdite dai recusîts. Al pues ancie sospindi in maniere temporarie, in cualsisei moment, la sô colaborazion cu la ARLeF, dant comunicazion par temp ae ARLeF; la suspension temporarie no compuarde la cancelazion dal Regjistri.
4. Il volontari al pues rinunziâ, in cualsisei moment, al servizi di volontariât, dant comunicazion ae ARLeF.

5. La ativitât di volontari si pues revocâ, dopo di un proviodiment motivât, par inadempiment, negligence, assence no justificade, o par inidoneitât dal interessât in relazion aes ativitâts leadis ae incarghe stesse, cun judizi insindicabil de ARLeF.

## **ART. 8 - OBLICS DE AMINISTRAZION**

1. La ARLeF e à l'oblic di:

a. Comunicâ in maniere preventive al volontari i pericui leâts ae ativitât di volontariât e calsisei avigniment che al puedi cambiâ lis modalitâts di colaborazion, di mût che il stes al puedi esprimi in libertât il so consens e acetâ in maniere spontanie di furnî la colaborazion intai temps e intes modalitâts concuardâts;

b. Garantî ai voluntaris une cuviertidure assicurative juste cuntri i infortunis;

c. Furnî, se dal câs, ai voluntaris un cartelin identificatif di pueste che, puartât in maniere ben visibile, al rindi recognossibil in maniere imediade i stes voluntaris.

3. La ARLeF si impegne a recognossi in maniere pubbliche la ativitât fate dal volontari par promovi il spirt di servizi e "la cussience solidaristiche", cu la consegne di un atestât che al dimostri la ativitât davuelzude. Par situazions particolârs, su segnalazion dai utents, la ARLeF e podarà assegnâ recognossiments speciâi.

4. La ARLeF e je esonerade di ogni responsabilitât par fats dolôs o colpôs metûts in at dai voluntaris.

## **ART. 9 - MIEÇS E STRUMENTS**

1. La ARLeF e furnìs ai voluntaris i dispositîfs di sigurece previodûts de normative antiinfortunistiche e e proviôt ae formazion dai voluntaris in materie di sigurece daûr di ce che al è previodût de normative in vore. I volontaris a àn la responsabilitât dal bon ûs dai locâi, dai materiâi e dai strumenti che a puedin jessi metûts a disposizion de ARLeF. Pe esecuzion di servizis particolârs, a podaran jessi autorizâts al ûs di bancjis dâts e di sistemis informatics metûts a disposizion de ARLeF.

## **ART. 10 - NORMIS TRANSITORIIS E FINÂLS**

1. Par ce che nol è dissiplinât in chest regolament, a son aplicadis lis normis in vore in materie.

## **ART. 11 - JENTRADE IN VORE**

1. Chest regolament al jentre in vore ae date di esecutivitât de deliberazion che lu fâs bon.

SPAZI RISERVÂT AL PROTOCOL

(di no doprâ)



dat di  
riceviment

N.B. Chest model al va dome compilât e NOL pues jessi modifîcât e al va inviât ae ARLeF cuntune di chestis modalitâts:

- PEC: [arlef@certgov.fvg.it](mailto:arlef@certgov.fvg.it)
- e-mail: [arlef@regione.fvg.it](mailto:arlef@regione.fvg.it)

**Preseade**  
ARLeF – Agjenzie Regionâl pe  
Lenghe Furlane  
vie della Prefettura, 13  
33100 UDIN

#### Ogjet: Domande di iscrizion intal Registri dai volontaris de ARLeF.

Il sotscrit/La sotscrite:

non e cognon					
nassût/nassude a					
ai					
resident/residente in	(vie)	(n.)	(cap)	(Comun)	(Provincie)
telefon					
e-mail					

daûr dal “Regolament pe istituzion e pe giestion dal servizi di volontariât”, fat bon cun delibare dal Consei di Aministratzion n. 54 dai 09/10/2019,

#### AL/E DOMANDE

la iscrizion intal Registri dai volontaris de ARLeF.

Par chest fin, cussient/cussiente des sanzions penâls intal câs di declarazion no vere e di falsetâts intai ats daûr dal art.76 dal D.P.R. n.445/2000, e ancje de decjadence dai beneficis eventuâl che a sedin stâts otignûts daûr di un proviodiment metût in vore, tant che previodût dal art.75 dal D.P.R. n.445/2000, sot de proprie responsabilitât

#### AL/E DECLARE

- a) di jessi disponibil/disponibile e idoni/ideone pes ativitâts indicadis tal articul 3 dal Regolament:
- partecipazion a manifestazions;
  - supuart organizatîf:
    - inte sede de ARLeF;
    - a distance;

- b) di meti a disposizion pe atividât sielte, in maniere indicative, chest numar di oris setemanâls pai progetti individuâts volte par volte de ARLeF:

matine: \_\_\_\_\_ dopomisdì: \_\_\_\_\_

lunis  martars  miercus  joibe  vinars  sabide  domenie;

- c) di acetâ cence cundizions il "Regolament pe istituzion e pe giestion dal servizi di volontariât";

- d) no vê vût condanis, cun sentence passade in judicât, par delits cuintri de aministrazion publiche, il patrimoni, l'ordin public, pai reâts indicâts tai articui 600, 600 bis, 600 ter, 600 quater, 600 quater 1 dal codiç penâl, e ancje pai delits cuintri la libertât personâl;

- e) di impegnâsi a rispietâ, se compatibii cul rûl e cu la atividât davuelzude, i oblics di condote previodûts dal Codiç di Compuartament dai dipendents de ARLeF fat bon cun deliberazion dal Consei di Aministrazion de ARLeF n. 19 dai 20 di Març dal 2014 ("Codiç di Compuartament dai dipendents de Region Friûl - Vignesie Julie", fat bon cun Decret dal President de Region dai 13 di Zenâr dal 2014, n. 3/Pres.) e disponibil sul sít istituzionâl ae direzion [www.arlef.it](http://www.arlef.it);

- f) di cognossi almancul une di chestis lengthis, in plui dal talian (segnâ la ipotesi che e interesse):

furlan  inglês  altri (specificâ: \_\_\_\_\_);

- g) di esonerâ dal dut la ARLeF di cualsisi responsabilitât par dams eventuâi capitâts a se o a tierçs subiets, e ancje par ducj i coscj, lis spesis o lis responsabilitâts relatîfs a chescj (cjapadis dentri lis spesis legâls) che a vessin di vignâ pal davuelziment des atividâts di volontariât indicadis, che no sedin cuvierts des polizis par risis e infortunis stipuladis de ARLeF.

Il sotscrit/la sotscrite al/e zonte a cheste domande:

- fotocopie dal document di identitât valit dal rapresentant legâl;
- curriculum vitae;
- informative daûr dal articul 13 dal Regolament UE 2016/679 firmade;
- permès di permanence valit (dome pai citadins extracomunitaris).

---

lûc e date

firmes

## INFORMATIVE DAÛR DAL ART. 13 DAL REGOLAMENT UE 2016/679 (GDPR)

### TITULÂR DAL TRATAMENT

Il Titulâr dal tratament dai dâts personâi al è la ARLeF – Agjenzie Regionâl pe Lenghe Furlane (plui indenant definide anche "ARLeF" o "Agjenzie"), cun sede in via della Prefettura n. 13, Udin (UD).

Pal esercizi dai dirits ricognossûts dal REGOLAMENT (UE) 2016/679 (plui indenant "GDPR" o "Regolament") o par domandâ cualsisei scolariment sul tratament dai dâts personâi, al è possibil contatâ il Titulâr a chescj recapits: telefon 0432 555812, e-mail [arlef@regione.fvg.it](mailto:arlef@regione.fvg.it).

Il Titulâr al à nomenât un Responsabil de Protezion dai Dâts, che al rispuant a cheste direzion di pueste eletroniche: [dpo.arlef@regione.fvg.it](mailto:dpo.arlef@regione.fvg.it).

### FINALITÂTS DAL TRATAMENT

Il Titulâr al trate i dâts personâi furnîts in maniere volontarie par finalitâts diviersis:

1) Finalitâts primariis. Cun cheste locuzion si intint il davuelziment di dutis chêz ativitâts funzionâls dome ae selezion dai voluntaris, in plui che par dutis lis ativitâts conetudis o strumentâls, leadis in maniere funzionâl ae operativât de Agjenzie o ae tutele dai siei dirits. Si considerin conetudis e strumentâls a chestis ativitâts, par esempi: lis finalitâts assicurativis; la verifiche interne de qualitâ dal event; l'adempiment dai oblics di leç, contabii, fiscâi, aministratîfs; la gestion de controversie potenziâl, sedi in fase judiziâl che extrajudiziâl.

Chescj trattamenti a son lecits stant che a coventin pe esecuzion di un contrat o pe esecuzion di misuris precontratuâls adotadis su domande dal Interessât, par permetti ae Agjenzie di adempî a un oblic di leç che jê e je subiete o pûr, infin, par un so interès legitim.

2) Finalitâts Promozionâls. Il Titulâr al pues tratâ i dâts personâi, dopo di un consens specific, par inviâ materiâl informatif e promozionâl relatif aes ativitâts e aes iniziativis de Agjenzie e/o di un Ent partner.

Par chest fin la ARLeF e pues doprâ:

- modalitâts di contat tradizionâls, tant che la spedizion di pueste cartacie e lis telefonadis cuntun operadôr;
- modalitâts di contat par mieç di struments eletronics: e-mail, SMS (Short Message Service), sistemis di messaçs istantanis.

### BASE JURIDICHE DAL TRATAMENT

1. Consens al tratament di bande dal Interessât: finalitâts numar 1 e numar 2;
2. esecuzion di un contrat dulà che l'interessât al è une part o esecuzion di misuris precontratuâls adotadis su domande dal stes: finalitât numar 1;
3. adempiment di un oblic di leç dal Titulâr: finalitât numar 1;
4. ricerche dal interès legitim dal Titulâr dal tratament: finalitât numar 1.

### CONFERIMENT DAI DÂTS E CONSECUENCIS DI UN DINEI EVENTUÂL

Se no vegnîn furnîts i dâts indicâts tratâts pes finalitâts primariis o se nol ven dât il consens al tratament di categoriis particolârs di dâts daûr dal articul 9 dal GDPR al sarâ impussibil pal Titulâr procedi al tratament dai dâts pe finalitât di selezion dai voluntaris.

Il conferiment dai dâts personâi pai fins promozionâi al è, invezit, libar e facoltatîf: se no vegnîn furnîts i dâts no sarâ nissune consecuence, se no la impussibilitât pe Agjenzie di inviâ lis comunicacions indicadis parsore.

### CATEGORIIS DI DESTINATARIS DAI DÂTS PERSONÂI

A podaran acedi ai dâts personâi dome personis autorizadis al tratament e sogjets che, tratant dâts par cont dal Titulâr, a sedin stâts nomenâts tant che Responsabii (par esempi: furnidôrs di servizis informatics, telematics e tecnologjcs). Chescj sogjets a son tignûts al segret e ae riservatece, anche su la fonde dal regolament interni di pueste.

I dâts furnîts pes finalitâts elencadis parsore a podaran jessi comunicâts a impresis di assicurazion, a mediatôrs e a altris sogjets che a operin intal setôr assicuratif, a Ents o a altris sogjets che a organizin events o manifestazions adun cu la ARLeF, o a altris sogjets che a varan di ricevi la comunicazion pal adempiment di un oblic previodût de normative statâl e/o comunitarie o pûr par adempî a un ordin de Autoritât Judiziarie.

### TRASFERIMENT DI DÂTS PERSONÂI IN ALTRIS PAÎS

I dâts tratâts pes finalitâts ripuartadis parsore no saran - par regule - trasferîts fûr dal Spazi Economic

European. Tal cás che chest al vedi di coventâ (ancje par vie dai struments informatics doprâts) il Titulâr al garantîs che il trasferiment al vignarà fat tal rispet des cundizions specificadis tal Cjapitul V dal GDPR, e in particolâr:

- Articul 45, Trasferiment par cuistions leadis a une decision di idoneitât;
  - Articul 46, Trasferiment subiet a garanziis justis;
  - Articul 47, Normis vincolantis di imprese.

## CRITERIS DI CONSERVAZION DAI DÂTS

I dâts personâi a son tratâts pal timp necessari a otignâ i obietâfs che a àn domandât la lôr racuelte o par cualsisi altri fin legitim colegât. Duncje, se i dâts personâi a son tratâts par finalitâts differentis, chescj dâts a vignaran conservâts fin che no scjadârâ la finalitat cul tiermin plui lunc; in ogni câs chescj dâts no saran plui tratâts par chei fins che il lôr timp di conservazion al sedi scjadût.

I dâts personâi che no coventin plui, o che nol sedi plui un supuest juridic pe lôr conservazion, a vegnin rindûts anonims in maniere ireversibile (o cancelâts in maniere definitive).

I dâts personâi furnîts pe finalitât numar 1, a saran conservâts par un timp individuât daûr di criteris di dibisugne strente leâts ai diviers obietifs e, dut câs, intal rispiet de normative in vore in materie di protezion dai dâts personâi, daûr di logichis di tutele dai dirits dal Titulâr (tiermins di prescrizion specificâts tal Codiç Civil), par solit par dîs agns.

Par chel che al inten, invezit, i dâts personâi tratâts par finalitâts promozionâls, l'Interessât al à il dirit di oponisi in cualsisei moment ae ricezion di altri comunicazions.

## DIRITS DAL INTERESSÂT

#### L'Interessât al à dirit di domandâ:

- l'acès ai dâts personâi e aes informazions (art. 15 dal GDPR);
  - la lôr retifiche o cancelazion (articui 16 e 17 dal GDPR);
  - la limitazion dal tratament dai dâts personâi (art. 18 dal GDPR).

Cun di plui, l'Interessât al podarà:

- oponisi al tratament dai dâts personâi cu lis condizions e cui limits specificâts tal art. 21 dal GDPR;
  - esercitâ il dirit ae puartabilitât dai dâts (art. 20 dal GDPR).

Par chel che al inten lis operazions di tratament che a àn tant che fonde il consens (daûr dal articul 6, paragraf 1, letare a), e dal articul 9, paragraf 2, letare a) dal GDPR, l'Interessât al à dirit di revocâ il so consens in cualsisei moment (cence rindi ilegitim il tratament leât al consens dât prime de revoche).

Infin, tal c s che l'Interess t al calcoli che il tratament dai siei d ts person i al violi il GDPR, al ´ dirit di proponi un reclam a une autorit t di control (Garant pe protezion dai d ts person i, o altre autorit t competente) da r dal articul 77 e seguit fs dal GDPR.

CONSENS AL TRATAMENT DAI DÂTS PERSONÂU

L'interessât, dopo vê pviódût ce che al è spéficidat te informative, declarant di jessi informât ad in plen daûr dal articul 13 dal Regolament:

1. al da il consens al tratament di categoriis particolârs di dâts personâi contignudis intai documents zontâts ae domande di partecipazion  
al da il consens ◊ nol da il consens ◊

2. al da il consens a ricevi comunicacions promozionâls e informativis (finalitât numar 2);  
al da il consens ◊ nol da il consens ◊

## Lúc e date

Firme